

天

象

源

委

天象源委卷十四

命理

命之為命世人每欲以小術推測不知本與天象相合
或言人生天地間如太倉之一粟亦何關於天象夫道
之所在不遺巨細即一物之細無不與天象相應何況
于人：第不思耳薛鳳祚之序天步真源人命部云談
命者多家除煩雜不歸正道者不論近理者有子平五
星二種子平專言干支其法傳于李虛中近世精于其
道者談理微中可以十得七八至于五星何茫然也五
星舊法出自欽察而所傳之說甚畧如論日格不過有

日出扶桑卯日朝北戶巳日帝居陽午日過白羊戌日

帝朝天亥五法論午宮格不逆有日帝居陽日太陰升

殿月南枝向暖木水名榮顯水字騎獅子李木蔽陽光

木六法外顧寥也他如天宮文昌化曜諸說然驗與

否皆居其半予于諸書多曾講求終不能自信于心也

嘗讀洪武癸亥儒臣吳伯宗譯西法天文似稱稍備窈

思其法傳之西域而十二宮分度有參差不等者乃獨

秘之予久求其說不得而不知其元奧正在于此壬辰

予來自白下暨西儒穆先生詳志忝求益以愚見其理

為舊法所未及者有數種焉一為生時不真如子至丑

一時而論人生則非刻漏之時而過午時圈之時一子時有三十度過午圈則子有三十時矣子時過午圈一也南北極出地又有無窮之異則子時且不可以數計矣財帛等十二宮赤道皆三十度然不當用赤道而變為黃道其宮分多寡有差五六十度者日月等七政臺歷皆本星黃道然不當用黃道而變為赤道其出入宮分有差至三四十度者至于吉凶之遲速全不關黃赤道而論升度而正球升度亦止午圈之一點外此斜升斜降隨極高下益不可齊以上數大法舊傳皆畧得其似遂認為而况各宮與七政性情相離相逐得力不得

力如舊日格午官格者萬未及一安敢以為天地之情
即在是也此書幽渺元奧非人思力可及他如回年行
年流月流日條分縷晰皆指諸掌豈非為此道特開生
面乎象宗後跋云夫天命歷數誠當講求矣有當言命
者有不當言命者又不可不知也富貴貧賤之間有命
存焉不可幸而致者當言命者也綱常倫理之際乃吾
性分之所當然不可誣之于命者此不當言命者也所
以孟子云耳目口鼻四肢之欲謂命不謂性仁義禮智
天道謂性不謂命可謂發前聖所未發大有功于天下
萬世者吾故推孟子之意而正告天下後世曰深明乎

數不言數而專言理者聖人也理數兼言者君子也不
言理而專言數者細人也觀此二說則命之理微于是
可見而由知命為君子以希聖人是所兼望于天下後
世者也輯命理

人命者七件

各曜所主

真源云一定各曜所主如妻妾視月財帛視福聰明視水月之
類

各曜能力大小

一定各曜能力大小第一日能力大二月三木四土五火六金

七水

七曜性及一宮十宮性

一七曜之性及一宮十宮之性稱為生人之星

各曜何星能力大

一各曜何星能力大在一宮十宮或在一宮十宮相近之二宮
九宮

五星在日月東西及在本宮與外與沖并本圖高卑

一五星能力大者在日東在日西在月東在月西或在其宮或
在其沖或在外或在本圖高卑

七曜吉照惡照

一七曜同他星有吉照惡照

七曜有能力性吉在強宮有位比他星高

一七曜有能力性吉在強宮有位比他星高其星所主之福皆大且久 凶星在強宮比他星高大凶凡在其下之星吉皆變凶有吉事不成 若吉凶星不在人命強宮却在高所主吉凶事皆小 吉星在高在下有凶星居高星宮中即凶事多輕減

吉星高下有凶星

假如吉星在高其技能許星法見命在凶星宮中伎

能不能成名

吉星高技能許星却在凶星宮中以官言如凶星在高其技能許星在

凶星之冲更凶伎能便能賈禍

凶星高技能許星却在凶星冲以冲言

有吉星

在高五星俱在其下動則皆吉不拘所行何事皆有天幸有凶

星在高不拘所行何事皆有禍

有凶星在其高而五星俱在其下

凶星在宮

之正中其凶更大

各星力氣

象宗云各星力氣有三等一等是本體之力一等是相助之力一等是福氣之力

本體力者各星在本宮或廟旺宮或三合或在分定度數上或在喜宮特或在一宮分作三分每分十度其星在本度上皆是各星本體有力氣處位分此是總論如此若人求見君王或求功名或干係官事其星在廟旺宮勝如在本宮吉利其餘一切求請皆依此論凡星在本宮如人在本宅房屋內安居在廟旺宮如人

在高貴位上坐在三合如人得志諸事吉得人相助在各宮分
定度数上如人在親戚處居住在每宮三分之一度数上如人
在自己田宅內在喜樂宮如人在喜樂之處若屬陽之星晝在
地上屬陰之星夜在地上如人與親戚或朋友相會之喜此各
星本體之力也 又一說如各星在升高度數上有力十度已
下為升高有力十度已上無力如太陽在巨蟹初度為最高木
星在天秤二度為最高之類 又一說各星順行疾為有力土
木火先太陽東出有力金水後太陽西入有力 又各星在緯
度黃道北有力以上皆論各星本體之力

次言相助之力若星在四正位內一位其第二位俱為相助本

星之位星在四正及相助為有力最有力者是命宮次十宮次七宮次四宮其次十一宮次五宮次九宮次三宮次二宮次八宮惟第六宮與第十二宮為至弱無力以上亦是總論若人求一公事官祿主星與命宮主相合相照為吉

此義前已詳

第三言福氣之力若一星遇吉星其吉星又順行或吉星過本星皆為受喜又前後宮分或度數又過吉星此為全吉若一星在命宮又有吉星在第二宮又有吉星在十二宮謂之夾拱有力吉與本體相助同凡人命入此格為大貴大賢之人若人命前後遇凶星夾拱為低微至賤之人

此言宮分度數

大凡要知人聰明識見并身體康寧須看命主星有本體之力

聲名須看命主星有相助之力財帛却看財帛宮主星有本體
之力主有財得相助之力亦主有財若一星在命宮一星在十
宮十宮之星旺為高於命宮之星一星在十一宮雖高且旺不
如十宮也 一星在本輪小輪上近高比他星在小輪下為有
力

性

人命有本宮之性本宮得何星為本宮之性又有本宮主星之性又有主星
所落宮之性又論四宮黃道之性俱吉則吉俱凶則凶有吉有
凶論分數

七曜在本宮

五星在本宮其人福穩易得而長遠水星到宮人善作事金星到宮人有文名木星到宮人性純良善使人太陽到宮人必尊貴火星到宮膽大土星到宮為人難交

土強且吉不為難交

太陰到宮喜

送逆

三角之權主天下之國人若生此星內亦增力量為官亦有才能

七曜主人命

象宗云凡人一切身體氣力皆太陽所主一切稟性皆太陰所主土星主收聚之力木星主生長之力火星主惱怒金星主色慾水星主思慮記性

七曜主事之大小

天步真源云金水在太陽之下管日用尋常事為官多見小利
土木火三星在太陽上主軍國朝代事不甚主小事

太陽與火土會冲太陰與土火會冲

太陽最怕與火星同宮同度與土星相冲太陰最怕與土星同
宮同度與火星相冲火冲日土冲月亦不宜

星先太陽東出西入并在光下

若一星先陽東出與四正柱同一星後太陽西入與四輔柱同
一星在太陽光下與四弱柱同

凶星先太陽東出後太陽西入

若是凶星先太陽東出其人必有損傷後太陽西入其人不累
有災病則驟遇患難太陽怕火土二星東方先出太陰怕火土
二星東方後出

星之吉凶

九陰陽之理專論禍福若是吉星斷作吉凶星斷作凶若各星
吉照主身安九事順快各星惡照則九事艱難滯滯若各星同
順受者主一應事皆成就中等順受者事亦成就未免稍艱若
中等星不在順受中則一應所望之事不成

九事若遇吉凶星不可便作吉凶斷遇吉星又有吉星相助遇
凶星又有凶星相照然後斷其吉凶若吉星逆行或在太陽光

下不能為福若凶星順受亦不為凶

吉照雖云吉而有時不取弦照雖云凶而有時取之對冲為我仇而有時反為相助何也蓋天象未易窺也凶象強而吉照弱則凶中之為吉無多或因凶而吉亦變為凶吉象強而凶照弱則吉中之為凶有限或因吉而凶亦變為吉所謂對冲有時反相助者如木在七宮對命宮日或土在七宮對命宮日其助不少而四正角與四正宮皆有吉星又安得皆為吉照而不為弦照執一以論失之遠矣

吉凶星到吉凶宮度

若吉星到陷宮或陷度上則于好人處受憂慮

如我命主星遇吉星而吉星却

在臨宮或臨度上凶星到廟旺宮度上則于歹人處得恩惠凶
所謂臨降宮是也
星到臨宮度上則于歹人處被害吉星到廟旺宮度上則于吉
人處受恩惠

四柱

凡四正柱為有力能成全一切事四輔柱一年成就四弱柱一
切事皆不得成

十二門

十二門內最要者四第一一宮第二十宮第三七宮第四四宮
論命一宮為主次論十宮論功名十宮為主次論一宮七宮四
宮亦當論四者稱為角內門最有大能力

其次要者四第十一宮第二五宮第三八宮第四二宮四者
稱為過上星其能力次于角內

又次者四第一九宮第二三宮第三六宮第四十二宮四者稱
為過下星

以上十二宮分二分一從子到午過東為上行者二從午到子
過西為下行者上行者能力常大

命宮命主

人命有吉凶欲求其事當求黃道是何宮如白羊為命宮即白
羊為命主之類

又白羊為命宮火為命宮主星
而命主星又當別求見命法

再看各星在黃道宮之權一為星之舍一為星之升一為星之

三角一為星之界一為星之位一為六十九十一百二十一百八十度之照

命宮朋友分論

命論各星之宮官祿論各星之升朋友及尋常事論星之三角
上文云三角之
權主天下之國

占過去現在未來等事

若太陰與一星相照後雖此一星主一切過去事正與一星相
遇或相照應主現在事將與一星遇或相照主未來事又看太
陰在何宮分將那宮分主星為主斷一切結末之事與人命第
四位所言同應第七位若二星並行一星在前一星在後其後者將

追及前星相遇主一切創求之事又命主星與第二宮主星相照主求財事若第二宮主星遇命主者其財不求自至

天首天尾

人命太陽在天首為福在天尾為禍以各宮各星論其事太陽同土星在天首土星即為次凶在天尾土星即為大不吉

日月食

又見
交食

日月食忌在人命四角宮如日食白羊命宮在白羊者害身命十宮在白羊者害官祿

當生與回年皆如是而占交食亦然

生人日所在之宮若日食于其宮

論回年

主尊貴成人者不利以

日主貴人也生人月所在之宮若月食于其宮則陰人凶

日月食在人命對宮及九十度者亦主有災但稍輕耳

日月食安命宮所忌與人同命宮如日食安命宮在白羊己之安命亦在白羊害人身命

掃星

掃星在人命宮其人多死其不死者為福厚大人在人命十宮其福亦厚是嘗能勝人者

掃星安命宮若與人同命宮或同人命照星宮己之命照星在某宮而掃星亦在其人命不吉同人命十宮失官祿

四餘中之字星西法所不占然占之頗有驗勿棄

吉凶之來

吉凶之來在各星之性來之大小在各星之權

一論黃道之宮或為星之宮或為星之升有權者大無權者小

一論十二宮在四角內權大上去宮次之下去宮無權

一論太陽土木火與日會後至沖為東從沖至會為西 金水

從合伏于上至合伏于下為西從合伏于下至合伏于上為東

此說與性情節所
史相異見象法 東權大西權小 月從朔至望為東自望至

朔為西見象

一星與他星相比

有一星在高一星在卑 一星從北往上行從冬至 一星從南

往下行從夏至 一星在北緯大在南緯小 一星在西者行

遲者 一星在地平圓離午圓為近者

以上五者皆為權大

又五星行速者權大遲者小退行者無權

吉凶來之遲速或論天下或論人命看所主照星

所主照星者
所主事之照

星從東地平到午時西地平到子時來速從子時至東地平午時至西地平來遲

十二宮在四角者來速上去宮次之下去宮來遲

五星在日東西從會到九十度從冲至二百七十度為東餘為

西此說與上所
言又不同在日東來速日西來遲

論五星在日東西三說中依象性中之說為是

占人已安命

若人安命在天秤宮其妻安命在白羊宮辰主夫婦和順又且
久遠餘做此若人奴僕宮內是奴僕安命者得奴僕之力亦順
且久若二人安命同宮一命有吉星一命有凶星二人相交往
其吉星人受凶星人之禍

人命定財官等來時

天步真源云一為照星照財照官之星二為許星許財許官之
星照星許星俱見命法如許財官星幾時到照財官星即幾時有財官天
文有照星到許星許星到照星照星到許星為正許星到照星
為反用正不用反

煞星解星占

真源云再看煞星是何星解星是何星即可以知其事 如煞

星是土：為磨羯主星有福星在磨羯其死亡緣家事 如解

星是木：為人馬主星有福星在人馬其救解為財物 如煞

星宮主出行事恐途中有失 若解星宮主出行事即宜逃避

解星為命宮主星救命要大膽善作事 煞星是命宮主星其

時傷命為膽小不善作事

若命應善死救星是木星救命是藥 命應強死救星是木星

救命是官

受胎安命

象宗云凡人初受胎時精血相凝聚其形如和成麩劑甚小且圓胎宮極熱將外膏蒸乾後為胎衣此為成胎初變時如五穀之粒種于地上其人稟性并氣力皆定于受胎之時從受胎時安一命宮上古陰陽人說受胎後每一月有一星照第一月土星照何則土星性情寒潤稍遲不輕改動若土星其月強旺主生人聰明誠實識見遠大與人和睦第二月木星照其胎色變紅似一塊肉却有熱氣比初做大若此時木星在受胎命宮又強旺主其人有才能文學第三月火星照此時胎中心與肝腦生成肢體微頭若其月火星強旺主其人生而有力勇猛有膽氣第四月太陽照此時其胎中身體全生微有力天賦與性命

活動若太陽在受胎命宮又其月太陽強旺有力主其人至富
極貴有機謀第五月金星照其胎中毛髮皆生規模已定此時
金星若在安胎命宮與其月強旺主其人有智謀才能舌辯第
七月太陰照此時其胎中成人有力若太陰在安胎命宮與其
月強旺主其人好農種若此月生者養得大第八月又是土星
照土星性寒以此胎氣重兒氣昏沉不如第七月精神故八個
月生者養不大第九月又是木星照木星性熱潤主胎氣旺兒
有力轉動九月既足胎氣全乃生

各星在受胎安命宮
及本月俱要強旺

童命

凡人生下不能食乳三日之內不得活何故因太陽或太陰在

四柱內一柱遇火星或土星相冲或四正照也或命宮前後
有火土二星相夾又無吉星相照所以不能食乳三日之內不
得活矣

又云晝生人看太陽夜生人看太陰在何宮度其宮度主星是
何星強旺看強旺星若是凶星又凶星照似此一般與前論斷
又一說人生下要見養得大養不大或止活得三四歲何故凡
人生皆有星辰照管其照管星辰數多一是度主星一是宮主
星又看太陽太陰福德詳命法三合主星晝生人看太陽夜生
人看太陰最緊要的是三合主星所說已上星辰若在四正柱
或在四輔柱又在分定度数又有吉星相照無凶星照者所生

人養得長大若已上星辰在四弱柱又不在分定度數又有凶星相照所生人養不長成若以上星辰得其中等看吉星旺可以養大凶星旺難養

若初生之日至七日看太陰在廟旺宮或有吉星照主其母乳多能養若太陰在弱宮或有凶星照主其母乳少或絕無

一門

相貌總論

天步真源云管人相貌一命宮一月雜宮一命宮主星一月雜宮主星一經緯星與命宮命宮主星月雜宮月雜宮主星同者太陽主好醜月主筋骨肌肉常要看月有光無光

性情總論

真源云水主聰明月主情欲

人性情所主一水月本宮一水月本宮主星一水月相近經緯星或水月宮相近經緯星一相近星在日東日西一水月及相近星在人何宮一各星主人何事

七曜主人性

真源云土星性遲主事長難改木星性直火星性傲金星快樂好色水星強明智弱奸詐日公明傲大月性快不穩七政皆有所主然專主性情者水與月

黃道宮看命宮

人命從白羊至陰陽生人堅固眼睛好高大性濕熱

從巨蟹至雙女顏色中等不白不黑身不大不小堅固性熱乾

從天秤至人馬長瘦面有點眼睛好性冷乾

從磨羯至雙魚色黑身中性冷濕

雙女獅子人馬生人大 雙魚巨蟹磨羯生人小 白羊磨羯

獅子前半生人堅固後半生人弱 人馬天蠍陰陽前半生人

弱後半生人堅固 雙女天秤人馬生相皆好 天蠍雙女磨

羯次之

水月在黃道宮

真源云水月在白羊天秤巨蟹磨羯

辰戌
丑未

喜生利除害為官好

謀多疑在雙魚人馬亥寅輕浮好詐易成易毀在金牛獅子天蝎
寶瓶卯子酉午穩當長久性明不喜奉承耐老好事

月有光上升分五等

月要在高有光又上升

上升有五一在交內 一從東地平到十宮從西地平到四宮
為上餘為下 一在小輪最高 一在不同心園最高

月有光各事大無光賤無名遲慢第一望前到上弦其次望後
到下弦又次朔到上弦又次下弦到晦望日光且長又在不同
心園上又在小輪高故吉未可必

月在白道大緯離日遠主人腦軟性體不明白暗中要傷人

月在天首天尾

月在天首為人伶俐在天尾大不吉

月光大小并伴惡星在降下

真源云月光大強或降下及少光伴惡星性痴

太陰與各星照

象宗云若人命宮太陰與各星相照則其星所主之事如官祿等事主其人能勤謹加勉星本身有力主通曉能行星如力弱太陰雖相照敬為而不成

水離逐日及在日心并順行逆行與伴惡星在降宮及

在日東西

真源云水星離日二十度至二十四度太現露不聰明

水去日遠在二十度外逐日好去日近在四五度內離日好
離日不多止在四五度內聰明

水逆行魯鈍順行伶俐在日心不能作大文人

水星伴惡星在本降宮止于魯鈍不痴

水星行快性浮若退行性疑不定在日光內好作無用之物出
日光好作有用之物在日東心寬內外如一在日西內外不同
外寬內忌

水月主星分吉凶與在上在下

星要詳在上在下在上則所主大如有凶星為月水之主其為人喜害人若更無吉星在上星在上凶無人可以治伏為惡常得便宜終無禍患若有吉星在上行惡事便要受罰 若月水主星吉更無惡星在其上為人必善行善事有名有利若上有惡星為善反要被害

水月在管物伏物宮及在黃道長短

真源云水在管物宮月在伏物宮為人服理不肯任性管物宮如人馬
伏物宮如巨蟹水在黃道長黃道升度多為長月在黃道短黃道升度少為短為人亦肯服理反是不服故世間善人少

論水月并水月宮主星及相助星

象宗云凡人生性智識有兩等一等說人之智識一等說人生成之性人之智識有聰明遠大者有識見短淺者人生成之性情有緩急憂樂志氣有高遠卑下之分智識水星主之性情太陰主之看此二星力氣強弱吉凶則智愚可見

若太陰水星在定宮其宮主強旺星亦在定宮主其人正大聰明守分能忍好作勞役之事在轉宮其宮主星亦在轉宮主其人好積善好獎譽動止安詳通性理在二體宮其宮主星強旺亦在二體宮主其人諸事通曉性不定動止輕狂作事不久若太陰水星宮主星以兩曜宮主較旺則兩星均宜旺也強旺是土星又在廟旺主其人識見遠大多思慮行事有主張合道理土星陷弱無力

則其人昏暗低微無志氣作事昧心與人不和常有憂容 木

星與土相助照土星又在廟旺宮度主人志誠信行敬老慈幼
勸人為善又肯與人分別是非又肯與人幹事志氣高動止安
詳若土陷弱則志氣短淺輕視人不肯為善好為師巫不愛惜
兒女與人不和凡事不可倚托好訟好為惡事 火星助照土

星土星又在廟旺主其人性勇心毒不能分別是非常有口舌
災禍與人交易不分明無慈心不樂人為善兇險闇昧好事好
憎人所求却能遂意土陷弱無力其人必為盜賊所作生理低
微不敬鬼神不畏王法一世貧賤 金星助照土、星廟旺主
其人敬老寡色慈性慳吝凡事自專喜于避人却不喜人為善

嫉人富貴每被人憎惡土陷弱無力主其人詭譎有盜心從詭
未誦好為魘魅詎賺與人不和結仇畢世事不遂

太陰水星宮主星強旺是木星又在廟旺主其人高貴輕財重
義守志安詳有廉恥肯為善正直心慈有紀綱得人敬重又好
納賢木星陷弱雖高貴好善但比上文所言稍減用財不得其
當膽小畏事且好自誇 火星助照木星木又強旺主其人勇
而好爭好武藝有方畧好勝高傲有作為諸事遂意心多怒氣
能主張人為事木陷弱無力口燥傷人凡事無忍耐作事多悔
不久長無分別無遠志平日為事多蹭蹬不遂意 若金星助
照木星木又強旺主其人守分好受用好潔淨好音律好技藝

有仁德愛親戚心慈與人和睦衆人亦相敬重誠信有學問若木陷弱則其人好受用費財物好與婦人同居多淫慾不肯為善事難託 水星助照木星木又強旺主其人有好性格凡事有商量聰明好學有文才通陰陽精書美詩詞又主見識遠誠信有紀綱多有稱意事木星陷弱則其人生于低微又言語不合理作事違悖心多焦燥無才學自誇有能多使小見識自專傲人輕狂

若太陰水星宮主強旺星是火星火又強旺有力主其人高貴性勇猛剛強好兵為事多險常受災禍高傲不仗人力能服衆作事不定掌刑殺之權火陷弱無力則其人與衆不和好傷人

好殺伐爭鬪無憚心行歹事心術不正 金星助照火星火強

旺有力則其人好受用心常喜悅好音律多計較聰明

以其旺且利也

能分別是非平日凡事遂意且貪心重火陷弱無力則其人性強虛詐平日愛圖謀人見識淺且諂佞喜為非淫亂并所好之事亦不耐久 水星助照火星火強旺有力主其人聰明出眾見識敏捷有機謀性與利好積聚好誑賺人行歹事面是心非喜朋友害所仇所為之事皆稱意火陷弱無力則其人性勇好勝愚濁不安詳動靜恍惚好行詐偽事後多悔

若太陰水星宮主強旺星是金星金星又強旺有力主其人至誠守道容貌端莊動止和雅好受用喜潔淨多思慮有志氣不

喜人為非喜諸般技藝一生平和用財合理事多遂意又好音律聲色金陷弱無力則其人動靜如婦人常患怯弱病在衆人中終不顯 水星助照金星金強旺有力主其人志氣聰明好性松見事捷有機謀曉性理又好諸般技藝好詩詞好學問作事正當不疑人金陷弱則其人多穢污好爭競傷人面是背非凡事使人憎嫌

太陰水星宮主強旺星是水星水又強旺有力主其人聰明遠見有文學德行學且能及人慮事多中通陰陽書算能容忍凡平日常事逆意水陷弱無力則其人愚濁性不歸一人前小意見取勝人言語不定動作輕浮作事顛倒

已上各星強旺有力若得太陽或太陰強旺相助照主已上所
言吉事增吉若各星陷弱無力得太陽或太陰強旺相助照則
已上所言不吉之事稍減若各星強旺有力得太陽或太陰陷
弱無力相助照吉事亦減若各星陷弱無力太陽與太陰又陷
弱無相助照則主所言凶事益凶

又水月宮主星及相助星

內有兼四星性者

天步真源云水月宮主星是土星土又在四角強宮主為人自
利自私執拗懷奸性苛耐老在弱宮下賤慳吝不合人少廉恥
木星在其宮或相照強則人孝義且聰明有主意性寬弱則
似瘋子多恐懼好邪術不愛親 火星在其宮或相照強則口

惡喜作亂大膽時害人但作事伶俐弱則驕傲作賊好殺
星在其宮或相照強則不好色為人嫉妬亦有主意弱則好酒
色 水星在其宮強則好雜學醫卜官間事能幹弱則仇妬作
賊欲行奸惡事而不能

水月宮主星是木星木又在強宮主為人善有膽氣能忍耐愛
人善為害在弱宮人雖善偏執如愛人不問善惡之類 火星
在其宮或相照性野火與木冲好爭無親疎尊卑記仇心狠
金星在其宮或相照強則愛吟愛嬉好鮮潔好快樂性善在弱
宮則好色妄費性如婦人 水星在其宮或相照強則好工作
有主意聰明在弱宮性顛性妄欲學明白人而不能

水月宮主星是火星火又在強宮旺度大胆有志願伶俐能掌
兵弱則心狠喜圖財作亂 金星在其宮或吉照能文章快樂
好謀心直喜潔弱則懶惰好色多詐 水星在其宮或相照強
則有福善言語有胆氣伶俐奸詐行事損人利己弱則心狠害
人爭鬪作亂

水月宮主星是金星金又在強宮行好事好嬉樂不耐老喜文
章工技在弱宮懶惰有婦人之性 水星在其宮或相照強則
善作事好嬉樂交遊弱則無恥

水月宮主星是水星水又在強宮大聰明善作事能天文能通
微妙之理弱則性浮不穩易差謬難信

論相貌稟性看安命宮度及太陰宮度強旺星是何星

先後太陽東西出入

象宗云論人相貌稟性要看安命宮度強旺星

即命主與命宮主

又看

太陰宮度強旺星

此是看太陰是否強旺宮并太陰所在宮度主星強旺與否

又看何星在

廟旺宮或在分定度数又看何星力氣多已上數等星取一個

最強旺者為主 若強旺星是土星又比太陽先東出主其人

身体十全髮黑面貌黃白色眉前有毛眼生得中稟性寒潤潤

者以其先太陽東出也

若土比太陽後西入則主其人面貌如小麦色髮

稀身瘦上下相稱目黑稟性乾燥

曰燥者以其後太陽西入也

若強旺星是木星比太陽先東出者主其人面貌白色有光彩

身體長大髮美好目亦得中動靜安詳稟性熱潤若木星比太陽後西入者主其人面貌淡白色無光彩髮稀直乾燥日生得中身矮小稟性潤

若強旺星是火星比太陽先東出者主其人面貌紅白身體十全上下相均目色青髮生得中稟性熱潤若火星比太陽後西入主其人色紅身矮目小髮稀稟性乾燥

若強旺星是金星比太陽先東出者主其人相貌與木星同論稍加清秀滋潤貌嫩似婦人日生秀美

若強旺星是水星比太陽先東出者主其人面貌清白身體得中目小髮中稟性熱若水星比太陽後西入者主其人面貌黃

白身体瘦小上下相同目深陷似山羊眼白色性燥

各強旺星在太陽先東出相離近者主其人体肥大

安命官度及太陰官度強旺星得太陽太陰相助

象宗云凡太陽太陰與各星相助得太陽相助身体十全容貌
其佳得太陰相助身体十全修長適中性潤

安命官度及太陰官度強旺星逢田伏逆

五星會田冲
吏性見象体

象宗云若此強旺星在初田主其人與利靈變逆行身中精神
稍鈍在第二田体弱 在太陽光下最微賤常有災

命主星在小輪高卑

象宗云若命主星在小輪極高處主其人体甚長在小輪最

低矮人矮短

性情照星分大小

性情照星在本宮或相照相照本宮也所主事皆大在外小辨照星大小要命宮水月三者相合又強所主皆大且精三者不相合一星主一事為瘋顛不成事之人

照星及許星有凶星在上

吉星為照星有凶星在上嘗被人害再吉星為許星有權雖有凶星在上惡人要害善人亦不能大為害

許星有吉星在上不和

許星吉有吉星在上不相和人亦善但沒主意

水與各照星許星惡照

水星與各照星許星惡照或相沖皆不吉

日與照星吉照與許星惡照

日與照星吉照主各事正大有名若與許星惡照事小無名

日月水全無照合

日月水全無照合或土為命主夜生成火為命主晝生火土又

在強宮

在一宮十宮或在巨蟹雙魚

其人多狂妄之疾

火土水

火土吉照亦不吉 水為火土宮主星火土為水宮主星或火

土在雙女水宮皆不吉

一云土水同一三角故土水相會不為凶

五星在日東西分七等必為命主星 第二等後似不
本東西言大畧本日與所在宮

五星在日東西在日東與一宮近人直有勇聰明

在日東西有七等 一星在日東日未出在日西日已出

工日未出星在十宮或日在地平星在
十宮亦是但少弱 三日已出星在十宮

四日入星在四宮 五日出星在四宮 六日在十宮星或

出地平或入地平 七日將出星落地平或在日前後亦少弱

先太陽東
出不弱 星在十宮或命宮主有胆力有記性：直而且聰

明 星或在一宮與七宮日在地平下主性怯慢不耐老 星

在四宮聰明耐老有忍耐好奇

五星出入東西地平

此星必為命宮主星與月雜宮主星

真源云土星出東地平人中等眼大色黑性濕冷在西地平人瘦小性冷乾

木星出東地平色白髮少貌美性濕潤在西地平貌不甚佳身中等內濕

火星出東地平人中等堅定眼睛不黑不黑則黃內熱乾在西地平人中等頭小髮勁性乾

金星與木同各件俱好眼尤美

水星出東地平眼小身中性熱在西地平色黃睛凹足小

日月五星在東西主人性

真源云日月五星作人性論東西

土星在東為人醜大在西粗俗狠惡

木星在東不慳吝好朋友經商在西為人樸實愛人

火星在東為人胆大不怕死喜作亂謀害人

金星在東好歌舞詩文大槩有婦人之性在西好歌舞歡樂

水星在東為人聰明喜書史善天文但性浮

土木在東性寬宏能讓人讀書達禮惡邪淫雖死不肯為非家

豈

土火在西不愛人亦有才

土金在東好戲好色有才能

觀此二星可以同在東
則東西不以日言可知

木金在東有才能有主意能文章喜潔能生利

火金在西大好色喜作奇異惡爭胆大無信在東為盜賊行劫
少有水星之氣更不吉

火木在西喜殺人救人能擔勞苦與友不欺喜作善事

土木水在西好邪教不論男女皆能生子

土金水在西為人不善不惡知書能文曉深奧之理

木火水在東人不老成喜動能經商好作陰私惡事

太陽不拘所在為火人善人愛人喜天文

太陰在東婦人胆大好爭有才在西男子如婦人惧內亦善經

商

人命第九宮

象宗云人命第九宮有吉星或吉星相照主其人好行善有凶星或凶星相照主其人好為惡再看第九宮主星九第九宮所主修身好善文學德行等事

要知聰明長成及憂喜疾痛

真源云要知聰明長成美月與水星幾時到要知憂喜美日月幾時到火金前文云火金俱旺相合主喜要知疾痛美日月與第一宮幾時到火土

壽數短長

象宗云凡看人壽數專看壽星并壽主星要斷壽數短長有兩

說一是正一是輔亦有兩等見門一尋說人性命壽星主之身

休壽主星主之

取壽星主星見命法

若壽星或壽主星在第七位第十位兩中間從十位逆排去至第七位有星在何宮度上取對冲宮分赤道度数將命宮赤道度于本星對冲宮分赤道度数內除之餘剩幾度数每一度準一年每一分準六日假如安命在金牛宮十二度對黃道的赤道度数是二十三度五十四分第七位天蝎宮十二度太陰為壽主星在人馬十二度其對冲是陰陽十二度對黃道的赤道度是五十四度三十七分以命宮赤道度数二十三度五十四分于此內除之餘剩三十度四十三分該三十年八個月零十

八日即是人之壽數此是第十位至第七位如此其所開黃赤對數但與今黃赤升度來數不合若在別個位分順排去第十位至命宮命宮至第四位第四位至第七位已上皆為順排位分將排去的度數莫之可見人生壽數

凡各星所主壽數有上中下三等太陽所主上等一百二十年中等六十九年下等十九年太陰所主上等一百零八年中等六十六年下等二十五年土星所主上等五十七年中等四十二年下等三十年木星所主上等七十九年中等四十五年下等十二年火星所主上等六十六年中等四十年下等十五年金星所主上等八十二年中等四十五年下等八年水星所主

上等七十六年中等四十八年下等二十年

若壽主星在四正柱上則有上等壽數在四輔柱上則有中等壽數若在四弱柱上則有下等壽數

若命宮壽星有力又自相吉照主其人一世身安聰明有機變又有壽

其壽主星力弱者亦有壽但艱難過日耳

若吉星在四正柱上吉照者則增與下等壽數吉星在四輔柱上吉照則增與下等壽數內三分之二若吉星在四弱柱上吉照則增與下等壽數三分之一若凶星似己上照者依此數例于原得的壽數內減之水星遇吉則吉遇凶則凶

若壽星并壽主星與金木相照主增人壽與凶星同度則減人壽

又太陰太陽三合六合吉照則增若相冲二弦惡照則減
壽星并壽主星遇凶星相照其人必有驚恐危險之事若其人在中年遇之尤重

若壽星并壽主星行限到第七宮或遇土木二星或太陽太陰相冲四正照或遇雜星內一凶星似此其人壽數危險

又看流年恐是命宮內或四柱上有凶星者其人壽數危險尤

甚必壽主星同在命宮或四正柱

若當生命壽主星強旺流年本星又強旺恐是此星照限內其

人雖遇災禍不至損命

若壽星并壽主星當生時力弱過流田年却強狂或當生時強狂過田年却力弱有災禍輕

流田年第八位宮主星若是土星或火星必凶惡之當生八宮主本是凶星又遇凶星相照其凶禍至重

二門

財帛者二位及主星并木星福德與命宮及主星照

象宗云凡論財帛者第二位并第二位宮主星又看木星并福德箭及本箭主星

見命法

若已上各星内有力強狂與命宮或命

宮主星吉照主有財易得惡照雖得財甚艱難不相照則無財

求亦不得

已上星有吉星夾拱并日月吉照

若已上強旺之星前後有吉星夾拱又有太陽或太陰吉照主
廣有財

已上星看福德箭并吉凶星照

若已上強旺有力之星并福德箭強旺及主星有力又有吉星
相照主極有財若凶星相照則貧賤求財不得

已上星所主

若強旺有力之星是土星主田產房舍農圃等項上得財却用
財吝嗇 木星則使人經營得財又人自拱送 火星則因領

兵或掌刑罰得財 金星得朋友或陰人相助送之財 水星
則因學問或經商得財

土星與福德箭吉照見命法又有木星相助則得父祖遺留之財
或得意外之財

財帛星入命：入財帛宮

若第二位主星入命又命宮順受則其財不求而至若不順受
則空想不得 若命宮主星在第二宮而第二宮又順受無凶
照求財必得若不順受又有凶照徒費心力雖順受却有凶照
得財不聚順受又有吉星照求財易得又得用

看太陽太陰占大富貴

若太陽或太陰在陽宮又在四正柱上蓋生人太陽在地平環上夜生人太陰在地平環上前後有吉星夾拱或吉星在四正柱相照主其人至富極貴夾拱之星并相照星又有力則富貴尤大若已上所言星力弱富貴减小如太陽太陰在陰宮又在四弱柱又前後有凶星夾拱主其人至貧賤

看雜星占大富貴

若雜星內第一二等星在人命四正柱宮度上與太陽太陰同位度或在福德箭度數上規命主其人大富貴隨各星性情所主若雜星是第三等內上等星其人亦富貴但比上稍減耳雜星是凶星止此亦得富貴終凶吉則始終如一本須

財帛照星

財帛照星第一是福法見命要在四角或地平上或十一宮或九

宮若在地平下或三宮六宮或在日光內不能作財帛照星

其次財帛照星取二宮并二宮主星但二宮不能作大財帛照星上木亦可作大財帛照

星財帛照星在東又在日東又在四角又高于他星又與本命

吉照又與日月吉照五者全財帛大餘次之

大抵大財帛惡星甚強或土大為二宮主星吉星與之吉照所以富多不

仁

大抵推財帛不用財帛照星宮主星要財帛照星本星

財帛之主

土星主財帛耕田水路中来或造房屋中来但係小家不尊貴
木星仕宦中来 火星攻戰中来 金星朋友婦人中來
水星學問水路中来

大財來遲是土星木星但要土在十宮木在七宮或在陰陽双
女人馬双魚其次在十一宮與九宮

財之來與財之失

真源云送財帛星土與月金合或與天首合是父母遺留亦出
朝廷之賜

日在七宮財帛從宦途來

月在命宮得父母兄弟遺財亦關本身之能

若福星在日光內財帛出自朝廷福與日惡照財帛散失

福與日光近日去地平近

字有誤

得貴人之財月吉照亦自好事

大輩中來月惡照或黃道宮相沖為官司失財度不正沖次之
以上凡主財帛星皆然不止于福

金在十宮財從朋友來亦眾人樂以財助

金為財帛主星

財帛照星在辰主星是金財帛從朋友婦人來在巳主星是水
財帛從文章中來

大抵人土與火吉照工醫發財

金火水大亦為工醫

土或火或水星在第一宮或舍或升或位等權其人財帛甚多

從不義中來

此三星中或土或火或土水或火水為財帛星入命宮而又有權

財帛照星許星與惡星惡照要為盜失財吉照為盜發財

或必土火

為財帛照星許星而又與惡星惡照及惡星吉照也

火星失財因爭競 金星失財為花費

來之遲速

財帛許星在四角內來速其次在上升即二宮十一宮八宮五宮稍遲若在降下四宮要至末年方有

三門

火水

象宗云凡論兄弟姊妹看火星水星火主兄弟水主姊妹

三宮主與命宮主吉照

又看第三位宮主星強旺有力若與命宮吉照或與命宮主星吉照主有兄弟姊妹又相和睦

惡星與三宮及主星惡照

若惡星惡照雖有兄弟姊妹却不相睦

三宮主星與命宮及主星不相照

若已上星與命宮并命宮主星不相照者其兄弟姊妹少或無
別有吉星與三宮主星吉照

若已上各星自相吉照者主兄弟姊妹有力又有福祿惡照無力且貧賤

兄弟論本命十宮及十一宮

真源云兄弟論本命十宮十宮吉則有兄弟

若十一宮內有吉星亦有兄弟

取母命宮占兄弟

其一父母所生取母命宮畫生人取金為母照星即以金所在宮作命宮排母十二宮用母十二宮中十宮占兄弟母命十宮有吉星相會或三合六合照或弦冲照皆主有兄弟有三吉星即三人二吉星即二人如吉星在陰陽人馬双女一星許二人若凶星相會或弦冲照則無兄弟 母命十宮有吉星三六合照兄弟友愛

星分吉凶

日月金木為吉星若水星在高或在有權有位之所亦為吉星
不然則否

兄弟星設有凶星高于吉星或凶星在後追吉星兄弟命短

星分陰陽并日東西

兄弟星俱是陽或在日東兄弟俱男俱是陰或在日西兄弟俱
女十宮見陽星則為男兄弟見陰星則為女兄弟

兄弟有福否

兄弟吉星在十二宮喜樂之地即喜或在角內不在下去宮或

在日東或有權主兄弟有福

友愛否

若兄弟照星與本人命主及福星三六合照或有權不在下去
之宮旺相友愛

兄弟照星在金牛獅子天蝎水瓶兄弟不相愛

子午卯酉係不和宮然亦必同

己之命主星在北四宮方不和

四門

父母

象宗云凡論人之父先看太陽次看土星又看第四宮并第四
宮主星畫生人先看太陽後看土星夜生人先看土星後看太
陽

若論人之母先看太陰後看金星又看第十宮并十宮主星畫

生人先看金星後看太陰夜生人先看太陰後看金星

已上各星以強弱分吉凶斷其人之父母若各星內一星最強旺有力將此星為重若其星前後又有二吉星相夾拱主父母和順豐足又貴顯若其星前後有二凶星夾拱則主父母不和與上所言相反各星若在廟旺宮分并有力之處主父母身安諸事皆吉若在陷害無力又與凶星相照則父母災禍凡事不順又看是何凶星照則患其星所主之病

又看福德箭見命法并宮主星與太陽或土星相照則主其父增

添財帛福祿

若太陽與土星吉照又有木星或金星亦相照主其父壽長若

太陰與金星吉照或與木星吉照或金星與木相吉照主其母
壽長

曾祖：父伯叔

象宗云若論人祖看第七宮論伯叔看第六宮已上二宮主星
強旺則祖并叔皆吉若陷弱無力則凶

凡命宮第四位是父從第四位數至七位亦是四位故為祖從
第七位數至第十位亦是四位故為曾祖命宮第三位是兄弟
從第三位數至第六位亦是三位故為伯叔其餘宮分依此例
推之

父母命吉凶貴賤

會通云父照星太陽土星母照星太陰金星

日與土相會或六合三合照父榮貴土星寒與日之熱相剋故
吉月同金星即主母吉 日月土金別有吉星相合或六合三
合照父母榮貴 有他凶星高于日月土金主父母辛苦

論父貴賤如五星中有兩三星在日前行極多三十度遠不論

日居四角宮星在日東其星不甚相仇

星與日及星與星不相仇如土之于日火之于

水于金火與金仇不為甚仇惟與水方為甚仇

日前星又在喜樂宮其父貴母同論如

星不日前在日後亦貴但不甚耳

若土星在日前行父平常

上云言父貴條日與土會意者但不宜在日前耳

有火在日

前行或在下去宮火先行有權主父有時好有時不好嘗受辛

若日月前無一星先行父母賤

父母命長短

父照星日與土日離金木有權者相會或三合六合照父命極長金木權小中等 若火比日高或土離日弦冲有凶星在十宮一宮十一宮二宮父命短與日土弦冲之凶星或別下去之宮亦係與日土弦冲之凶星父嘗有病不死火與日弦冲亦在十宮一宮十一宮二宮主父命短或失日土弦冲父死于癘母照星金月與木相會或三六合照母命長木權大更吉土或火離金月弦冲母命短若火土在十宮一宮十一宮二宮又行速母命必短若凶星行遲一云遲則重在四宮七宮或別下去之宮

母嘗有疾月在東火離月弦冲母命忽凶及有目疾

月在東則強于在西

此言以在東之故而至于此宜審

火星離金弦冲若行速母早死痰病土星在

月東弦冲如上母死瘡痍在月西弦冲母產亡

此東西必以宮言

月

食在西母因胎死

又論十二宮如戌為頭日之類即可知其病症

父母相和否

日與月弦冲照大不相和土與金弦冲照次之土月弦冲又次之

取父命

若欲細看父命畫生人以目前所在作父命宮如取母命宮法

事之起時

論其事之起時不論父母照星看照星宮主星如照星為日
在白羊看白羊宮主星火星何如或在日東日西行速行遲

能受父母業否

人命之福星法見命離日前行之星弦冲日前行之星性又凶子

不能受父業或受後爭差日前行有吉星與福三六合照主子

能受父業福星離日近在日光內子不能受父業離日近子能

受母業應離日近不在日
光內為能受父業

畫生人日真在命宮夜生人土真在命宮子多似父畫生人金

真在命宮夜生人月真在命宮子多似母

由子命以知父母命

父母生子必有相近處若無相近則不能生故知子命即可以知父母之命父主子壯年事母主子少年事

五門

男女

象宗云凡論男女看第五宮并宮主星又看木星已上各星若強旺有力與命宮并命主星吉照主有男女父慈子孝

若已上各星與命宮并命主星惡照則子不孝父不慈

若已上各星與命宮并命主星不相照者則男女稀少或無

若已上各星有力又有吉星相助者主有貴子其子又孝順

若已上各星無力又有凶星相照者則子不孝又貧賤

若已上各星互相吉照者主男女多又相和順若互相凶照有男女不和

若已上各星主子嗣多者則子多如太陰木星金星水星是主子嗣星先太陽東出子嗣更多不係子嗣星如太陽火星土星水星是無子或子少又比太陽後西入者則全無忌是先西入水星解見下

若已上各星在陽宮或比太陽先東出多生男在陰宮比太陽後西入多生女

若已上各星在二休宮或在子多宮分如天錫宮雙魚宮是見

則男女多

若已上各星臨弱無力又有火土二星強旺相照且各星又在少子宮分如獅子双女是則無子縱有子亦不孝不得力

看日月宮

真源云看男女要看日月與命宮三處有吉星會或三六合照主有男女

一本性熱屬陽如日土木火性見象濕勝屬陰如月金水性見象

二黃道宮屬陰陽見象

三十二宮分陰陽一宮至十宮七宮至四宮屬陽餘宮屬陰

四日出時星在地平上順行在日一百八十度內屬陽所謂順行者似

順日午時圓行設在地平下則仍屬陰矣日出時星在地平下順行在日一百八十度外屬陰則仍屬陽矣

五在天經星之性屬陽者為陽屬陰者為陰

凡星在陽宮為陽在陰宮為陰在日東為陽在日西為陰
若日月命宮三處性皆屬陽或兩處屬陽男多屬陰女多

送子

陽星送子陰星送女

木金月送子日火土不送子若水在日東送子在日西不送子
上言陽星送子陰星送女此言日土火為陽星反不送子木為
陽星送子金月為陰星却送子一言土火即送子未必善大
抵送子須陽星之吉者其水在日東送子金月可以類
推土火不送子而有时亦送亦非無因俱在善于體驗

月與木星金星送子月在十宮送女

水星送子大抵有好子命不長在日光內更甚 若水星強或

與五星或與經星相合并吉照命即長

送子止一星不與他星相合相照止一子

送子星止一在陰陽双女人馬双鱼一星作二子

陰陽双女人馬双鱼寅申巳亥與送子星在陽宮內見子多在巨蟹

磨羯亦然恐不若上言之
四宮在陽宮

送子要星在十宮十宮屬母亦屬兄弟大抵母吉兄弟多子女

亦多其次十一宮其次一宮其次二宮次七宮八宮五宮四宮

宮內有子女許星見命法有子四四美子
止用五宮

月力強在十宮木金弱子女不多

月力弱十宮強

有吉星在內
或吉照為強

木金弱女多子少

木金比十宮強男多女少

如人十宮有木星在磨羯

降木

與土將相合月在巨蟹相冲木在

十宮為土合與月將冲難許子女亦難養然木係吉星女必有而巨蟹磨羯俱為陰宮難言有子幸木在日東子必有一

許子

有二三許星

法見

命

或在巨蟹磨羯双鱼子多在獅子白羊双女

子少送子宮內有送子星有吉星為其主星其許子星在陰

陽獅子双女止一子双鱼人馬二子巨蟹人馬双鱼多子日

土火在許子宮無子

双生及三男三女二男一女二女一男

日月與命宮若有二位三位在陰陽人馬双女双鱼四宮内主
双生 日月宮與命宮主星在此四宮内亦主双生 又十宮
及十宮主星在此四宮内亦主双生

若日月與命宮有二位三位在上言四宮内又有他星逐之則
有生三者 若日月命宮在上言四宮内有木火土三六合弦
冲照能生三男 金水月如上言生三女热多湿多不能相合
遂各相成 土金木如上言二男一女 火金月如上言二女
一男 允生三者多死

生怪異

日月在下去宮其四角並無三六合弦冲照者主生怪異不然則生極下賤之人 怪異星生時在天首天尾有物相連在指日月

生子之期

取十宮到許星之時或到許星照之時若十宮與送子星照無凶星相照大抵一年一次生

難易長大

子或生而死或死而生或幾月死

日月在四角內與凶星相會弦冲緯俱南俱北相掩或弦冲緯一南一北相對無吉星與日月吉照日月宮主星又落凶星宮

內不能養或死而得生 相會時火星壞日緊土星壞月緊相
對時土星壞日緊火星壞月緊

若日月在四角內一凶星相沖一凶星相會緯又同即死

日月與凶星不真相會不真相對差幾度又有吉星在日前或
日前不遠或三六合照子不即死如相去三度吉星離日遠三
度即三時與日近將相會三度為三月凶星近三度即三時離
日遠三度即三日再遠三度為三月

日月在四角有凶星弦沖又逆行或小產命母或貧賤生于外及母

命子

送子星在送子宮其宮凶如日土火若陰陽獅子有吉星吉照

子有病

吉星在有子宮凶星為其宮主星子命不長或凶星為有子宮主星有吉星吉照亦有子但命不長

許子星比凶星弱子小即死

子富貴貧賤并過房及為人奴

子富貴貧賤看許子宮主星在日東又在本宮富貴在日西在外處貧賤

日月在四角有凶星弦冲若有二吉星高于二凶星主過房與人作子若凶星高于吉星乃為人奴

有凶星入地平吉星出地平或趕出月主受別人產業

取子女命宮

細求子女吉凶將送子星之宮安一命宮推子女各事用上法

子孝友與否

父子相愛父子命宮與福星宮或同在一宮或有吉照如父子命宮皆天秤福宮皆寶瓶之類或同在天蝎人馬磨羯双鱼主父子相愛子能承父業 在不相和下見或對冲宮子不甚孝不能承父業相冲有爭嚷不相和不能承父業如一在天秤一在白羊之類

有兩許子星在相和宮下見主兄弟相愛

許星宮主星與別許星宮主星在相和宮主兄弟更相愛

許子宮或宮主星不相和或冲日在角內又凶星合或與有日性之經星合或許子宮內火與月會或與有日性之經星會主相殺

相和不相和

相和如同在天秤辰天蠍卯人馬寅磨羯丑寶瓶子雙魚亥

相和宮有三 一兩星性相和如日與火 一兩星得位此星得彼星位

得此星位 一兩星得宮如金在木宮或彼此相吉照

不相和宮大抵是左一右一左五右五及冲宮

白羊與金牛天蠍俱不相和

金牛與白羊陰陽天秤人馬俱不相和

陰陽與白羊天蠍俱不相和

巨蟹與獅子水瓶俱不相和

獅子與巨蟹雙女磨羯雙魚俱不相和

雙女與獅子水瓶俱不相和

天秤與天蠍金牛俱不相和

天蠍與人馬天秤白羊陰陽俱不相和

人馬與天蠍金牛俱不相和

磨羯與獅子水瓶俱不相和

水瓶與磨羯雙魚巨蟹雙女俱不相和

雙魚與獅子天秤俱不相和

相恨宮金牛獅子天錫寶瓶

子午卯酉

六門

奴僕

真源云家人看十二宮六宮其次八宮二宮此四宮并四宮主星皆主家人 此四宮中吉星入有好家人凶星入有惡家人 四宮中六宮為要若六宮在人馬火星入人馬家人不可用 十二宮在天秤木星入家人可用金星入得快樂人

好家人亦有朋友之愛若六宮在天秤內有金木吉星其家人一宮亦在天秤家人意主

若十宮為家人一宮家人意主

十二宮主星在四角內家人作主在降下角主人不愛家人在
七宮或與一宮主星相對家人與主人相恨沖日家人誇主

七門

婚姻

象宗云凡論婚姻男看第七宮并宮主星又看金星女亦看第
七宮并宮主星又看太陽 已上各星看何星強旺有力其與
命宮并命宮主星惡照者婚姻事亦成但夫婦不和 若已上
各星與命宮主星不相照者婚姻難成 若已上各星有力在
四正柱上則與有名望之家結婚 若已上各星有力又有吉
星相助則與豪貴之家結婚凶星相助與下等貧賤家結婚

若已上各星自相照則多婚姻且吉男之吉多則室女之吉多求姻者若已上各星有力在二体宮分又有一二吉星相照則重婚

夫婦許星

真源云夫婦許星男視月女視日

嫁娶遲早

男子月在東從上弦至望；至下弦為東餘為西少年早娶或中年娶少年之婦
月在西老年娶或少年娶老年之婦
月在巨蟹宮日光內與土星惡照不娶在巨蟹去日遠人日能見則否

婦人日在東從一宮至七宮；至四宮為東年少嫁或年長嫁年少人在西
從十宮到七宮
從一宮到四宮
四宮為東
年長嫁或少年嫁年長人

若太陰入命宮且為生光時則主早婚減光時婚遲或娶年長者
女命晝生者婚早若遲則嫁年幼者夜生者婚遲若早則
嫁年長者女命婚之早晚豈得但論晝夜意者晝生而日在命宮夜生則日不在命宮之故

嫁娶幾次

娶婦多少月在陰陽双女人馬双魚四宮內看逐幾星如逐三星加二減一減去一星月無所逐之星即止有二月如逐一因減一星亦止有二
逐星要在一宮內在別宮近亦不取本宮遠亦取

嫁夫幾次日在陰陽双女人馬双魚四宮內有兩三星在日東與日合嫁兩三次星與日並儀一夫妻象日不在上所四宮內有星相合不

論

夫婦善惡

婦人善惡論月所隨星或會或吉照或惡照皆為隨；土為人耐老不真快隨木尊貴善治家隨火大胆難服隨金有美色隨水有作為伶俐婦人之性同月所隨星之性

丈夫善惡有土星在日東不在寅申巳亥四宮主性善有作為木星尊貴火星為人難近夫婦且不知金星色美·水星有作用能養家
論日所隨星 全同土則冷同火則熱同水愛子女

夫婦和好

婦人善惡看月逐星吉凶夫婦和否看金星逐星吉凶
命

夫婦和好一男子日與婦人日或月吉照命男女一丈夫月婦

人日晷相同如此在一宮 彼亦在一宮一兩星相接如金星逐月在金牛

內為月接金星一命月在一宮 一命金在酉或大夫日月婦

人日月皆相接相合

若女命宮與夫命第七宮同主夫婦和睦偕老

日月吉照凶星高強命一人夫婦不相離但嘗相爭日月惡照吉

星在高又次之

水星遇凶星不相和為口舌金星遇凶星不相和為邪淫必金水與

日月惡照而又與
他凶星合照不和

日月為夫婦真許星若金星作許星見命法是邪淫夫妻辟如一

人金在雙魚升金一人火在雙魚火三又如一人火在磨羯升火一

人金在磨羯金三又如一人金在天秤金一土在天秤土三

又如一人土在磨羯土一金在磨羯金三如上相合同凶星

是金作許星所合邪事隨其性 金土如上相合邪事久火金不久

金土在磨羯或天秤或在一宮十宮又有月照則為與親人存

私 大抵火離土與金有木星吉照人正大不好色火離土冷

雜木與金熱性冷不甚重色性熱亦不越規矩上言大金土在

日西念多邪淫在陰宮更甚以上兩節所言各星必與夫婦有涉或與其人性情有干

八門

太陰在十二象分主一身

真源云太陰在十二象主人一身 白羊主頭 金牛主項

陰陽主兩肩背 巨蟹主胸胃脾肺 獅子主兩腋及心至臍

双女主大小腸 天秤主下焦膀胱 天蝎主人陰陽 人

馬主左右大腿 磨羯主兩膝 水瓶主兩小腿 双魚主兩

足 如太陰在白羊宜鬚頰又何宮有忠星如何
經受病必是宮有忠星與太陰忠照方密

地平圖同午時圖分天作四分：屬血痰

地平圖同午時圖分天作四分一分從東至午為春分屬陽屬
血二從午至西地平為夏至屬陰屬黃痰三從西地平至子為
秋分屬陽屬黑痰四從子至東地平為冬至屬陰屬白痰

病症視七宮主并六宮主

象宗云凡論人暴得病症看第七宮主星是何星強旺又第六宮主星是何星強旺

七六宮主土火在何宮分與命主相照主病症

看土火星與命主強旺相照又看其在何宮分相照

土火為七六兩宮主星

在白羊宮相照病症生在頭面在金牛宮相照生在頸項咽喉在陰陽相照生在肩膊并手在巨蟹相照生在胸脇并肺在獅子相照生在心經脊背胃腕在雙女相照生在肚腸腹中在天秤相照生在臍下在天蝎相照生在肛門并臀在人馬相照生在兩腿在磨羯相照生在兩膝在宝瓶相照生在兩臙在双鱼相照生在兩足

此節當與太陰節參看

各星所主

象宗云又一說從人命宮挑去依前例次第推之凡人所生之

症又看各星所主

依求七宮六宮主星與命主相照之例推論各星所主不必定為火土

土所主外則右耳內在脾及膀胱又主痰火所主外則皮膚內

則心血精神木所主外則左耳內則肝及血腕

血字恐誤

金所主外

則鼻塞內則內腎并肉及肛門水所主舌胆太陽所主外則眼

目內則胸胃筋并右邊一切症候 前項各星若力弱又有凶

星照則其星所主之症候受病

真源云病見土主右耳膀胱左脇骨項黑痰冷痰及筋 木星

主肺血右脇血肉 火星主左耳黃痰腸腎臂 金星鼻口精

脉脾胃 水星記性并手 日主左眼心血中之氣 月主腦
右眼白痰同土吉照或惡照生黑痰同火照生黃痰 有三星
主一件如人腦所主者月與日與水

象宗云若病症凶星是土多生痰并積聚症候又腸内生瘡發
黃喉痛吐血結燥婦人胎內生病是火有血旺症候黑血盛并
內腎病症并癰疥受針灸之症一切惡瘡婦人患胎疔 若水
遇火或土皆助其力視病人當生命內火土在何宮分得病時
或太陰到火土二星之宮所在或相冲或四正照則病重如其
病是火土所主之症則主其病尤重觀此則四年與當
生應並看可知

太陰與水不相照又與命不相照却有惡星與月水照

凡太陰與水不相照太陰水星又與命宮不相照却有惡星與二星水月相照者則主其人有災却看何凶星相照則主其災如其星之性所主

土火在四柱上

太陰與水不相照又與命宮不相照畫生人土星在四柱上夜生人火星在四柱上則主其人得暗瘋之症畫生人火星在四柱上夜生人土星在四柱上則主其人心瘋之症星如在巨蟹雙女雙魚其心瘋之症尤甚 又畫生人火星在四柱上夜生人土星在四柱上土星又為太陰宮度主星強且旺太陰且又與太陽相會後離太陽或相望後離太陽則其人瘋癩之症

如着鬼神因其腦濕潤之盛故有是症也

太陽太陰在陰陽宮

若太陽太陰在陽宮人有精神身健力旺在陰宮人有悍性如火金又在陽宮則其事愈甚且顯

若太陽太陰在陰宮則與上所言之事相異如金火又在陰宮則相異之事尤甚

命宮日月及經星

真源云觀人身一命宮一日宮一月宮一日月宮之主星一在天經星會合命宮及日月宮主星
身好醜閑日身強弱閑月

病分常暫

人病有常有如少日少足之類有時來病症七宮命宮主常有之疾六宮主時來之症凶星在東長久病在西偶來病

損日

真源云損日有四一為經星如雲炁星一天津內星一為星有太陽之性或火星之性或太陽與火相合之性或月與火相合之性日屬濕以上星俱乾故壞日一為不明白經星亦主損日月離日九十度或右或左月冲日及月與日會有四等星

如所言

相遇皆損日

月在命宮七宮六宮在土星或火星後日在命宮六宮七宮在

火星或土星後皆主失一目

命與火星相近或與如雲氣星近主失目

有日月在命宮七宮六宮或相冲有上四等星同土火星在前

主失双目 土在前打傷或火燒或病壞火此必因水星為費心

讀書失目亦有惡人之患必兼水

黃道經星壞目者昂星入馬後天蠋前寶瓶內獅子內

月在降下在日光內月全無力又在經星壞目之地定損目

月為照星命照星算幾時到火星與雲氣星即幾時失目

壽終緣故

象宗云凡論人壽命終時看第八宮并宮主星又看凶星及雜

星內凶惡星

若八宮主是土則病瘦怯弱瘦久遠之症或水蠱婦人胎氣及一切冷症喪命 是木則得喉肺症及麻風筋縮頭痛心氣并一切風氣之症喪命 是火則病發熱并肝經疼痛吐血之症及刀斧所傷一切熱症并血傷敗婦人損胎之症喪命 是金則病內腎并走氣痛及患痔漏肛門一切濕氣之病因此等症服藥差悞喪命 是水則病瘋魔恍惚驚恐咳嗽吐血一切乾燥之症喪命 是太陽與火星同斷 是太陰與金星同斷 若已上各星有惡星照或雜星內凶星相照或第八宮度上有一凶雜星被凶星照又有凶星相助其人不能善終

真源云人死症候土星久遠病大抵黑痰水脹在左邊各樣傷
冷病 木星火風痰在右邊胸間喉痒頭與脾胃肺病 火星
黃痰傷寒疾瘧腎腰痛失血婦人懷胎 金星白痰脾胃右邊
瀉及瘡皆濕傷病 水星顛腦病性乾壞腦

強死

真源云土離日冲弦照在白羊天秤巨蟹磨羯石傷縊死水死
獅子人馬後半猛獸死

土與日或與火在天秤白羊巨蟹磨羯相合相冲土木壓死
土或日或火在上四宮又在十宮內從高墜死

土火水或相合或冲照弦照在天蝎金牛双女磨羯毒蟲死

土水金或相合或冲照弦照葉死為婦人事

土與月弦冲在双鱼双女巨蟹磨羯水內死

土在地平下月在前土跟月行或水或火或縊死

土在酉宮即七宮與日月冲獄死

火離日月弦冲照在陰陽双女宝瓶死于乱或自殺有金照為
婦人夢水照死于盜賊在金牛內喪元在天蝎人馬庸醫刀針
死在十宮縊死在七宮火燒死在七宮双女金牛獅子人馬磨
羯死于猛獸或屋宇壓死若有木星惡照死于名

第一壞人命土在七宮第二壞人命火在十宮

以上法皆真再詳十分真切要死亡宮或死之宮主星兩不相

和又離日月或水弦冲照且水為死亡宮主星又土在七宮全
有三者即真不然未真

光景

真源云死時光景看煞星法命同何星來如土星九十即看土
九十相近前後或星或照或經星同土九十度順行是已為如
有火冲或一度兩度為死火星之性經星亦各隨
五星之性

又看煞星界上主星如土在天秤六度界是金亦死于金之性
又看煞星宮之性如土在天秤六度即如土在天秤之性

上三說為死時光景分五星之性或經星同定死時光景星或
前或後亦有關於死時之光景

煞星有吉星吉照如吉星在高為有人拯救凶星在高為更凶
九定死時光景無凶星惡照其凶星又非定死時光景主星而
日月又無凶星惡照皆死于正命

強死無名者土火或水作定死時光景主星 又土火或水與

定死時光景主星弦冲又兩星性不和如水星會弦冲雖不作

定死時光景主星亦同

強死有名者二凶星凌日月二凶星或凌日或凌月二凶星與

定死時光景主星或凌日或凌月一凶星或凌日或凌月一凶

星與定死時光景主星相凌皆強死有名

凌有二一非其宮主星無吉照又不相和而在其高位一凶星

有惡照而在其高位

大抵日月作有名事凶星與日月在四角或同在降角皆然在降角他星易高更凶狠

二凶星相合並與煞星惡照死後更有餘凶 二凶星相合無吉星吉照凶星却在雙魚金牛獅子人馬磨羯屍喂禽獸 無吉星吉照二凶星却在雙魚死葬魚腹

煞星界上主星在降角死于外 五星之性在煞星後定死時光景主也或前或在降角亦主喪外 若月雜煞星或與定死時光景主星弦冲更的

治法

真源云人命權力有四一用一受一化一去

能用在熱乾太陽主之如濕多不能用太陰在白羊宮人馬救

之則能用寅午戌屬火或日或與日同性之星在寅宮吉照為救下假此

能受在冷乾土星主之太陰在金牛或雙女宮磨羯宮救之則

能受巳酉丑屬土有土星在丑宮吉照為救

能化在熱濕木星主之太陰在天秤宮水瓶救之則能化以申辰

屬風也木亦風性

能去在冷濕太陰主之太陰在巨蟹宮天蠍雙魚救之則能去

亥卯未屬水太陰亦水性

如病不能化好治脾胃俟用到水瓶治之有益

九門

論遷移看九宮并九宮主及火及吉星照

象宗云凡論遷移看九宮并九宮主星又看火星已上各星與命宮或命宮主星相照者其人多出外 若有吉星照與命主與九宮主照或九宮主為吉星與命主照等皆是宜出外惡星惡照不宜出外凡事不吉 若已上各星與命宮及命宮主星不相照者則少出外各星強旺有力出外諸事遂意且得財身安還家 各星陷弱無力則其人出外凡事艱難不遂意 若已上各星互相照者主其人久遠在外

真源云吉星與出行照星吉照有名有利回遠惡星與出行照

星吉照遠行艱苦難回

日月火福

真源云日月為遠行照星第一是月、或在七宮或在降下角
行路遠 火在七宮或九宮或與日月弦冲亦主遠行 火與
月在七宮非少年死即遠出 月火在別降下角雖遠行不能
久 大抵七宮主長久在外九宮主遠出三宮行不遠 日月
火福四者主出外火主出行亦要與日月相弦冲 福在遠行
宮_{九宮}等 同月與火出行有利 日月福火在陰陽双女人馬双
魚長久出外他宮次之

木金水土火

真源云木星金星為月日宮主星或為出行宮主星主出外有
氣色若有水吉照更有大利

若土火為出行宮主星出外艱難無利

四正柱

象宗云若己上各星在四正柱上而命主星却在四弱柱上主
其人常在外如九宮主星在四正柱則遷移
為有權命在弱柱為遷移之象太陰在四弱柱
亦多出外 火星在四正柱與上所言同

為何事

真源云何星為出行主星福為主星為利日為名十宮主星為
學問 一云日為名月為外事與婚姻福為利火為地方與爭

聞之事

為何方

月日在東：南行在西：北行從一宮到十宮從七宮到四宮
為東餘為西 月火緯北：行緯南：行上升北行下降南行
濕宮內為水路巨蟹天蠍雙魚此宮為出行宮或土火在其宮
海內有艱苦或死于海 金牛獅子天蠍寶瓶子午大風浪
陰陽天秤巨蟹磨羯有病無糧 陰陽雙女寶瓶人馬前半途
中有賊 金牛雙女磨羯巳酉禽獸害人若有水星惡照為惡
獸害更的

為何時

遠行之時筭許星見命法到遠行之宮為其期

十門

又見二門大富貴占
又見月雜運卷中

論官祿視日月五星及十宮

真源云日月在黃道陰宮應在陽宮又俱在四正角前後有五星且

日在東月在西乃帝王之命 日月傍五星與十宮吉照宮主可知

在位長久

日在陽宮月在陰宮或日或月有一在正角亦為大人公侯

日在陽月在陰亦在正角但無五星在旁與十宮吉照亦是顯

官

日月不在正角日月旁五星在正角者亦顯達

日月不在正角內日不在陽月不在陰旁亦無五星即為平人
日月在降下宮且俱在陰宮旁又全無吉星為下賤人日月在
陰宮志氣小不知大事旁無他星孤立無助在降下宮身嘗有
病不得強壯

日月在角內有初中背上升下降俱有初中背在中者勝初次
之背為下

日月傍星與日月宮主星吉照

看日月傍星與日月宮主星吉照主星吉日月傍星亦吉又相
吉照如日在陰陽有木星在日傍與水星吉照水是陰則吉傍
無吉星主星亦不吉平常吉星無吉照亦平等惡星惡照為下

論出身

日月旁星其宮主星屬土大抵功名從財上來木金從大人朋友中來火星從爭戰來水星從文章來

屢驗日與金或水與金相會照功名從科甲來吉照同金與水月相會或吉照遊庠可望再看技能照星則其術業無有不可決者

業術

象宗云凡看人何藝立身看第十宮并宮主星又看火金水星選一強旺有力者為主其人于此星所主之事上立身

若是土星為農夫或土工石匠或種花灌園為生 是木星仕

宦儒吏兼通 是火星行兇好聞為妒治之事或為獸醫或與人針灸為生 是金星好修合香貨能小術造酒博戲塑繪并諸藝精巧 是水星則為人善書能篆又好吟咏詩詞或能經商 是太陽則有官祿又能採取金銀寶貝鏡內等物又喜燒煉之術 是太陰則其人或長為使客快行又能種植并通水利

若已上各星又與吉星相助照則其事尤盛有凶星助照不吉若火金水又為第十宮主星有吉星助照更為可信

真源云水星作匠人或書办或客人及術數 水與土吉照管閒事 水與木吉照為官 金星作畫合香工織綢種花賣藥

有土吉照作快活事信邪神有木吉照賭錢定是土木財自婦

人來木與金月照得婦人財火與日合為金銀匠或為厨

子應水與火合單是火作鉄匠或為石匠或造寶石若火與土

吉照或行船詳未或近穢之役又見二門火木吉照或從軍或招商

或為屠戶屠戶應金與火惡照金與水合好音樂詩畫女人好刺綉有

土吉照主好色金土火亦然或為色破家與木吉照為訟師金與水必惡照

為學師為官火與水合塑神應土與水吉照作兵器應火與水合工醫藥好

爭訟有土吉照為賊為隸打人度日有木吉照好官閒事水土同

一云能經紀金與火合作金銀匠作染色應金水相照工醫術必為

外又有土吉照信邪神作邪事若有木吉照作媒保

金水火

金水火三星中有一星在十宮或日線出在日前不遠或過日
離日不遠即為伎能照星若三星俱為照星強者力大無星
在日前後亦無星在十宮有一星與十宮吉照亦作照星若無
上四等即為閑人

黃道之性必為十宮

又看黃道之性陰陽双女宝瓶為有材藝 双魚獅子金牛人
馬磨羯為五金匠或造房屋作客商 白羊天秤巨蟹磨羯為
農似指為腎為知天文似指
女宮 天秤

凡星有五大權此處更重界

月

月為照星月離日後朔後有水吉照在金牛巨蟹磨羯學能知
未來事在双女天蝎喜習天文

星在何宮

可并看十
宮主星

照星在東在四角為藝有名

東必以
地平論

在西在下去角幫人作備

吉星吉照或同宮而強旺材藝可得大名利惡星惡照無名無
利

到時

照星在一宮十宮七宮來速一宮幼年至三十歲十宮三十至
四十歲七宮四十至老年來時又算照星之主星

十一門

福德

西法主福祿見一門又主朋友

十二門

相貌

相貌西法見一門十二門則主仇人

朋友

凡論朋友看十一宮并宮主星與命宮及命主星吉照者則有好友又相契惡照者雖有友不相孚不相照者朋友少若星宮強旺又有吉星相照則與上等人為友陷弱無力又有凶星惡照則與低微人為友

兩主星

若命宮主星在十一宮又順受或十一宮主星在命宮亦順受
或兩主星相吉照各主多友皆相契合

二人命

二人命內太陽太陰皆同宮或太陽皆在升太陰皆在酉則結
交至密如同氣 二人命內太陰太陽或三合照或六合照應
與上文同 若二人安命在三合六合者主朋友讌飲之交
若二人命內福德箭同宮者主朋友互相希望吉照稍減

真源云朋友看日月一宮福星共四處如兩人日月一宮福星
皆在一處內皆是十七度已其愛永不可斷兩處三處亦取 一人日
月一宮福星與一人日月一宮福星三六合吉照彼此相愛但

不甚久有吉星過即凶星過亦能相恨

相愛一人木在金牛四度一人火在人馬三度一人木在人馬

三度火在金牛四度一時朋友相愛

木火本相和

土火金愛不長久火水再無相愛木水再無相仇

日長久相愛兩人日不在一處又無吉照說相愛不可信

相愛因何事

朋友之愛有三日月為德行事福為利一宮為快樂

快樂未免入邪

土木如上相易為耕田星弱則為作亂 土火為爭嚷 土金

為親戚 土水為送禮物及生意 木火為功名 木金為政

教 木水為學問 大金為邪淫 火水為爭嚷 金水為快

樂適情

仇人

象宗云凡論仇人看十二宮并十二宮主星強旺有力在命宮或與命宮主星相照則多有仇人能為害吉照者仇輕不能為害惡照則仇重不相照仇人少若已上星陷弱無力則十二宮為順受或十二宮主星在命宮亦順受雖有仇人其仇力弱亦肯漸消若二人命內太陽太陰皆相沖則仇人恨重若太陽太陰皆在四正照者仇恨比上亦輕四正角不為沖真源云若二人日月在不相和之宮或沖宮大不相和且久人相恨一人星入一人星相沖處如一人火在陰陽五度木在

金牛四度一人木在人馬五度火在天蝎四度寅申卯即相仇

火水相仇若度相更換倍甚如水入火；入水

大抵愛自金星出恨從土星來一人月在金牛四度一人金在

金牛四度定相愛差幾度亦同 一人福在白羊六度一人土

在天秤六度定相恨辰戌